

(Valde vero urgente dolore, tantundem seminis hyoscyami albi addi potest) decoq in aqua, sub finem tantillum aceti affundatur. Addi etiam potest camphora ℥. ℞. Hoc decocto caput cum linteo eidem immerso fouendum est, & caput oleo conuenienti inungendum.

Ad dolores lateris in initio, Hippocrate docente, fofus applicari potest ex anodynis, vt:

℥. Malua, violar. althea, an. m. j.

sem. lini. ℥. j.

flor. chamom. meliloti an. m. ℞.

qua omnia sacculo induntur, in aq. decoquuntur, quo fofu latus bis aut ter in die foueatur.

Quod si vero hyberno fuerit tempore, vel frigidiore aere, tutus erit fomentorum vsus, si vesicae suillae indatur.

Ad ventriculum frigidiorē & infirmiorē:

℥. Squinanthi, cyperi, calami aromatici, garyophyll. nucis mosch. an. ℥. i.

radic. galang. ℥. ℞.

mentha sicca, summitatum absynthii, maioranae, origani. an. m. i.

& si flatus vrgeant, adde sem. foeniculi, anisi, an. ℥. ℞.

flor. chamom. meliloti, rosar. rubear. an. p. i.

indantur sacculo, bulliant in aqua, & vini rubri tertiaparte, foueatur ventriculus bis in die ante cibum.

Quod si & diarrhoea & vomitus adsit, parabitur fofus partim ex praedictis, partim ex adstringentibus, vt foliis plantag. polygoni, nuce cupressi, mali corio. Hepati vero magis conueniunt epithe-